



ইরানের চবাহার বন্দরে ২০১৮-র মধ্যে পণ্য ওঠানো-নামানো শুরু হওয়ার ব্যাপারে ভারত আশাবাদী: শ্রী নীতীন গড়করি

ইরানের চবাহার বন্দরের বিকাশে ভারত সরকারের আগ্রহের কথা ব্যক্ত করলেন কেন্দ্রীয় সড়ক পরিবহণ ও মহাসড়ক এবং জাহাজ চলাচল মন্ত্রী শ্রী নীতীন গড়করি

Posted On: 08 AUG 2017 10:35AM by PIB Kolkata

ইরানের চবাহার বন্দরের বিকাশে ভারত সরকারের আগ্রহের কথা ব্যক্ত করলেন কেন্দ্রীয় সড়ক পরিবহণ ও মহাসড়ক এবং জাহাজ চলাচল মন্ত্রী শ্রী নীতীন গড়করি। তিনি একই সঙ্গে ২০১৮-র মধ্যে এই বন্দরের পণ্য ওঠানো নামানোর কাজ শুরুর ব্যাপারে আশার কথাও শোনান। রবিবার সে দেশের রাজধানী তেহরানে রাষ্ট্রপতি শ্রী হাসান রৌহানির দ্বিতীয় কার্যকালের মেয়াদ শুরুর আনুষ্ঠানিক পর্বে ভারতীয় প্রতিনিধি দলের নেতা হিসেবে সেখানে উপস্থিত ছিলেন। সেদেশ সফরের প্রাক্কালে শ্রী গড়করি উভয় দেশের সম্পর্কের প্রসঙ্গে জানান, ভারত ও ইরান বিশেষ ঐতিহাসিক সম্পর্কের বন্ধনে আবদ্ধ।

তিনি এই প্রসঙ্গে আরও জানান, চবাহার বন্দরের পরিকাঠামোগত নির্মাণ কাজ ইতিমধ্যেই শুরু হয়ে গেছে। ভারত সরকার এই বন্দরের বিকাশে ৬ বিলিয়ন টাকা বরাদ্দ করেছে। এর মধ্যে যন্ত্রসামগ্রী সংক্রান্ত ৩৮০ কোটি টাকার দরপত্র চূড়ান্ত হয়ে গেছে। এই কাজের যথাযথ অগ্রগতির জন্য বেশকিছু বিষয়ে মঞ্জুরির ব্যাপারে ইরান সরকারের দ্রুত সম্মতি প্রদান নিয়েও তিনি আশা ব্যক্ত করেন। তিনি এ-ও জানান, এই বন্দর উভয় দেশের মধ্যে তো রটেই, মোটামুটিভাবে, সমগ্র অঞ্চলের ব্যবসা-বাণিজ্যের ক্ষেত্রেই বিশেষ জোয়ার আনবে।

প্রসঙ্গত ইরানের সিস্তান-বালুচিস্তান প্রদেশে দক্ষিণ-পূর্ব উপকূলের এই চবাহার বন্দর ভারতের সঙ্গে কৌশলগত উপযোগিতার সম্পর্ক অক্ষুণ্ন রাখার প্রসঙ্গে খুবই গুরুত্বপূর্ণ। পারস্য উপসাগরের মাধ্যমে ভারতের পশ্চিম উপকূলের সঙ্গে এই বন্দরের সহজ যোগসূত্রগত কারণেই উভয় দেশের মধ্যে গতবছর মে মাসে দশ বছরের লিজে বন্দরের বিকাশ ও নিয়ন্ত্রণের ব্যাপারে ৮৫.২১ মিলিয়ন মার্কিন ডলার বিনিয়োগ এবং বার্ষিক ২২.৯৫ মিলিয়ন মার্কিন ডলার রাজস্ব ব্যয় নির্বাহ বারদ মৌ স্বাক্ষরিত হয়।

(Release ID: 1498767) Visitor Counter : 2

Background release reference

২০১৮-র মধ্যে এই বন্দরের পণ্য ওঠানো নামানোর কাজ শুরুর ব্যাপারে আশার কথাও শোনান

